

AKASHVANI AIZAWL

REGIONAL NEWS BULLETIN

HEADLINES (EVENING)

- 1. Home minister Pu K Sapdangan vawiin khan Silchar Branch YMA hruaitute kawmin Assam nena inri naah ruihhlo do beihpui a thlak a nih tur thu a hrilh.
- 2. Mizoram a lakhuihthei thar chhuak tam ber Sialhawk khua chuan kumin atan Lakhuhthei an hralh zo a, cheng vbc 2 dawn an hralh.
- 3. Prime Minister Narendra Modia chuan vawiin khan New Delhi-ah thalaite lamhawi hmasawna cheng vaibelchhe sing 6 leh sang 2 chuang hu a hawng
- 4. Hamas ten Gaza-a an mi hrente chhuah vek an remti leh US kaihhruaia remna kawng siam chho tura an inhawng chu khawvel ram hruaituten lawmawm an tih thu an sawi.

<><><>

HOME MINISTER

Home minister Pu K Sapdanga chuan vawiin khan Silchar Mizoram House-ah Silchar Branch YMA hruaitute a kawm a; Home Minister chuan sorkarin Mizoram leh Mynamar inri naah ruihhlo do beihpui a thlak mek thu leh Assam nena inri naah pawh hmalak tum a nih thu a sawi a; Silchar Branch YMA hruaitute chuan tun dinhmunah ruihhlo kaihhnawihah Silchar Jail-ah Mizo 58 an tan mek thu an sawi.

Home Minister Pu K Sapdanga chuan sorkarin ruihhlo do beihpui a thlak mekah Mizoram leh Myanmar inrina khaw 22-a Branch YMA-te nen thawkhoin hma an lak thu leh heng khuaahte hian Police an dah vek thu a sawi a, tunah chuan Aizawlah pawh ruihhlo man a to sawt hlea an hriat thu leh Mizoram leh Assam inri naah pawh hmalak tum a nih thu a sawi a ni.

Silchar Branch YMA hruaitute chuan kumin kum kalmekah hian Mizo hnam harsatna hrang hrang leh ruang buaipuiin vawi 60 chuang an chet chhuah tawh thu leh sum leh paia inbumna kaihhnawih harsatna tawk an buaipui tam ber thu an sawi a; kidnapped case hial pawh thleng tawhin tun dinhmunah ruihhlo kaihnnawihah Silchar Jail ah Mizo 58 an tan mek thu an sawi.

Silchar Branch YMA hruaitute chuan member 400 vel an awm mek thu an sawi a, harsatna tawkte an buaipui kawngah bungraw dahna tur leh ramri buaia tlanchhiatna tur leh mipui humhimna tur Hall an mamawh thute an lo thlen a; Silchar Mizoram House-a thawktute pawhin an mamawhte lo tlenin, Home Minister chuan

an mamawh hrang hrang an lo thlente chu a tul anga bawhzui a nih tur thu a hrilh a ni.



MST BUS SERVICE

Mizoram sorkarin Aizawl leh Sairang rél chawlhmun inkara Mizoram State Transport (MST) bus a service tir chu Aizawl leh Sairang inkarah vawi 18 tlan tawhin, Aizawl leh Sairanga kal tur passenger 426 a phur tawh a ni.

Akashvani thu dawn danin, thla hlui September ni 29atang khan Transport department chuan mipuiten awlsam zawka rél service an hman tangkai theih nan Aizawl leh Sairang inkarah MST bus - seat 40 awmna a service tir a, Bus hi pahnih service tura hisap a ni mahse, tunah rih chuan bus pakhat hi a la tawh theih rih avangin pakhat chauh an tlan tir mek ni a thudawn a ni.

Kan corr report lo ngaithla ang.

VC

MST Bus service hi nitin hunbi neiin Aizawl leh Sairang atangin a chhuak a; kar khat chhung hian Aizawl atangin sairang lamah vawi 16 leh Sairang atangin Aizawl lamah bawi 16 tho tlan tura ruahman a ni. Bus hi kartin Thawhlehi leh Zirtawpniah Aizawl leh Sairang atangin vawi 3 ve ve a tlan a; a bak nidang zawngah chuan vawi 2 ve ve zel a tlan a ni. Bus chuan man hi mi pakhatah Rs 80 a ni a, ticket hi Chaltlang Transport Complex leh Transport Directorate-a MST Booking Counter-ahte lak lâwk theih a nih bakah, ticket la lâwk remchang lo tan pawh bus conductor hnenah ticket man pek mai tur a ni.



DOWN SYNDROME AWARENESS MONTH

October thla chhunga hman tur 'Down Syndrome Awareness Month' chu Social Welfare Minister Pi Lalrinpuin vawiin khan Millennium Centre kawt zawlah a hawng a; Down Syndrome neite endawng mai loa duat tak leh hmangaih taka dawmkangtu ni theuh turin mitin a sawm.

Minister chuan Down Syndrome chu natna nih loh thu leh inthlahchhawn na lam dik tawh lo avanga mi bik nihna - 'Genetic linked Disability' zawk a nih thu a sawi a; tun thlengin Down Syndrome thlen nachhan hi mithiamte pawhin an la hriat chhuah loh thu a sawi.

Mizoramah Down Syndrome hriatna ala reiloh ngaihtuahin Down Syndrome nau piang an awm chho ve zel tih sawiin Social Welfare Minister chuan, down syndrome naupangte'n thliar hranna te, ngaihdan mawlmang tak tak te leh endawngna te an lo tuar tawh thin a. Hetiang ang an tawrh tawh loh na tura inzirtirna chu Kohhran, khawtlang leh zirna-in ah te mamawh a nih thu a sawi.

(BYTE - Minister)

Pi Lalrinpuin chuan khawvel ah down syndrome vei mi lar tak tak, an natna inhnehtir mai loa mi ropui tak tak rawn ni ta te pawh sawitur an tam thu a sawi.

(BYTE - Minister)

Awareness hawna inkhawm hi Mizoram Down Syndrome Association buatsaih a ni a; awareness hawna inkhawm zawh hian tlai dar 4 thleng charity concert buatsaih a ni a; Mizoram Down Syndrome Association hotute chuan tunah hian an pawlah down syndrome mi 80 ziahluh an ni tawh a, thingtlang lamah pawh engemaw zat la inziak lut lo an awma an hriat thu an sawi.

<><><>

PINEAPPLE

Mizoram a lakhuihthei thar chhuak tam ber Sialhawk khua chuan kumin atan Lakhuhthei an hralh zo ta a. Sialhawk khuaah hian tun dinhmunah chhungkaw 240 velin Lakhuihthei hi chingin Mizoram a Lakhuihthei thar chhuah zawng zawng atangin za a 64 vel an thar chhuak pha a ni.

Sialhawk khua hian kuminah hian Lakhuihthei hi Quintal 11,240 vel an thar chhuak a, Lakhuihthei an hralhna leh a kaihhnawih hrang hrang atangin kuminah hian cheng vbc 1 nuai 75 leh sing 2 vel an la lut a ni.

Sialhawk khua hian inremna an siam angin kumtirah khan Guwahati a North East Aeromatic Company hnenah Lakhuihthei hi Kg.1 Rs.10/- in an hralh a, amaherawhchu kawng chhiat avangin Company lam hian vawikhat bak an laksak thei ta lova. An Lakhuihthei thar chhuah te tualchhung leh khaw chhehvelah te theih ang anga tihralna tur an zawn lain August ni 13 atang khan Chhingchhip a MIFCO hmunah Lakhuihthei hi an hralh a, MIFCO hian Quintal 170 leh Kg.88 an leisak hman a. MIFCO-ah hian chawlhkar 2 vel Lakhuihthei an hralh hnuah a bak zawng chu tualchhung leh khaw chhehvelah te an hralh a. Thla hlui ni 25 vel khan kumin atan Lakhuihthei a hlawm a hralh chhuah chu an zo fel a ni.

<><><>

HMAR INPUI 25 YRS

Home minister Pu K Sapdanga, Tourism minister Pu Lalnghinglova Hmar leh adviser to CM Pu Lalmuanpuia Punte ten nimin khan Haflong, Moulhoi Field-ah Hmar Inpui din champha vawi 25-na lawmna an hmanpui a; Pu K Sapdanga chuan thiamna leh taimakna chu ralthuam tha ber zinga mi a ni tih hre reng turin kalkhawmte a chah.

Hmar Inpui silver jubilee lawmnaah hian Pu K Sapdanga'n jubilee lungphun a hawng a, Pu Lalnghinglova Hmar-in Hmar Student Association din champha vawi 87-na puanzar a pawt pharh a, Pu Lalmuanpuia Punte chuan jubilee souvenir a tlangzarh bawk.

Home Minister chuan hmelma siam aiin thian siamin ram a lak zau theih zawk thu sawiin sorkar chakna hman thiam turin Hmar mipui kalkhawmte a chah a ni.

(BYTE - Home Minister)

Hmar Inpui, Assam Hills Region hian Assam state-a district pahnih - Dima Hasao leh Karbi Anglong district-te a huam a, khaw 50 chuangah an awm a ni.

<><><>

POSHAN MAAH

Nu leh naupang tana chaw tha inzirtirna, Rashtriya Poshan Maah 2025 pualin Women & Child Development hnuai Aizawl Urban ICDS Project leh Tlangnuam ICDS Project-te chuan vawiin khan Aizawl Thunders Motorcycle Club-te nen tangkawpin hriselna chungchanga nu leh nau enkawl kawnga mipate mawhphurhna pawimawh zia puanzar nan 'Motorcycle Rally' an nei.

Motorcycle Rally hi New Capital Complex Anganwadi Centre-ah Women & Child Development joint secretary Pi Zonunthari'n a vailiam a; Hlimen Anganwadi Centre V-ah hun tawp hman a ni. Rally pual hian inkhawm tawi buatsaih niin, New Capital Complex Kohhran Pavalai Pawl, Hlimen Kohhran Pavalai Pawl leh Anganwadi Centre Beneficiaries-te an tel a; nu, naupai, naupang, chhungkaw hriselna, ei leh in tha ei khawngah leh inchhunga mawhphurhna hrang hranga mipate pawimawhna chungchang inhrilhriat a nih bakah, Aizawl Thunders hotute kaihhruainain mipate mawhphurhna leh hemi hlen kawnga hma la turin kalkhawm zinga mipaten thu an tiam a ni.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Naktuk zing dar 7 leh a chanve-ah Chanchinthar puan leh a ni ang.

<><><>

PM

Prime Minister Narendra Modia chuan vawiin khan New Delhi-ah thalaite lamhawi hmasawinna cheng vaibelchhe sing 6 leh sang 2 chuang hu a hawng. Vigyan Bhawan-a hawinna inkhawmah thusawiin PM Modia chuan ram indinchhoh nan thiamthil a pawimawh hle a ti a. Sawrkarin thalaite chakna hmangin hmalam hun tha siam a tum tih sawiin an thiamna leh ngaihtuahnate hman tangkai a tum a ti. Vawiina PM Modia hawn zingah hian thalaite thiamthil hmasawinna tur PM-SETU hnuai ramchhunga sawrkar ITI sang chuang tih changtlunna turte a tel a. Hei bakah hian Bihar in a lo tihtawp tawh thalai graduate te hnenah thla tin cheng sangkhat pekna scheme Mukhyamantri Nischay Swayam Sahayata Bhatta Yojna leh Jan Nayak Karpoori Thakur Skill University te a hawng bawk a ni.

<><><>

HAMAS

Hamas ten Gaza-a an mi hrente chhuah vek an remti leh US kaihhruaia remna kawng siam chho tura an inhawng chu khawvel ram hrulaituten lawmawm an tih thu an sawi. US President Donald Trump-a

chuan remna siam tura ruahmanna point 20 chu tunkar tir khan a tlangzarh a. Remna kawng zawng tura Hamas inhawnna chu British PM Keir Starmer chuan innghirnghona ti tawp tura rahbi hmasa ber a ni a ti a. US kaihhruaia remna kawng zawn chu an thlawp thu a sawi baw a ni. French President Emanuel Macron pawhin inkahhai puang a, mi hrente chhuah zalen leh hmalakna awmze nei kalpui a tul thu a sawi baw a ni.

<><><>